

佛说治意经 1 卷

No. 96 [~M. 118, Ānāpānasati sutta.]

## 佛说治意经

失译人名今附西晋录

佛言：「安般守意具行如法已，欲次第学，如如佛说为在天下得明，如阴解月出立，身立意立，坐卧亦尔。已比丘立意，如是前后会有所益；已前后有所益，使不复见恠意；已止意亦守六衰；常守莫中止，便知无为身。若一切有意常守身，止不愿，亦不愿有，亦不疑有，亦不疑无有，次第行在所疑，便蚤得度生死；若惊意，知定喜净，时时法观，能得度老病。如是可病惊，精进道人自意，生老结能得断，今世能得苦尽，已警为听，所睡为觉，警胜卧已，警无有畏。已精进晓睡，日夜为学，已求甘露，便得灭苦。人有是有利从归佛，为中夜常意在佛，已觉得觉，佛弟子常尔。若中夜常念法，僧聚亦尔，行戒亦尔，布施亦尔，身护亦尔，行禅亦尔，不侵人亦尔，定意亦尔，尔空亦尔，已觉能觉，佛弟子常尔，若中不堕思想。」

问曰：「何等为便知无为身？」师曰：「泥为无为身。」「何等为次第行？」「谓今所到，便当除、次除，是为次第行。」「何为为时时法观？」「谓六入来时，当实时校计，是为时时法观。」「何为为道人自意？」「谓教人精进，当先自意行，身自守、意自守，自为福中，天上福未满故，自守福已满便得禅。」

## 佛说治意经

---

【经文信息】大正藏第 01 册 No. 0096 治意经

【版本记录】CBETA 电子佛典 Rev. 1.10 (Big5), 完成日期：2010/11/04

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，张文明大德提供，北美某大德提供，法雨道场提供新式标点

【其他事项】本数据库可自由免费流通，详细内容请参阅【中华电子佛典协会数据库版权宣告】

---